

小兒出花救生方

另附
關聖帝君勸孝寶訓
文昌帝君戒淫文
難產仙方



咸豐丙辰桂月

較對無訛

遂生慈幼福幼

三編

板存楊樹斜街申閭路北永盛齋刻
字舖集不價通紙景錢

文

南京中醫藥大學圖書館版權所有
1964

重刊

總編序

保赤載於周書懷少詳於魯論乍見孺子動其不忍之心厥初生民望其岐嶷之曰是以古昔盛時草木方長則不折蟲魚別孕則弗烹所以培養元氣胥一世而登諸仁壽也夫人受天地之中以生而不能無毗陰毗陽之憾或六氣不和或五行爲沴其罹於短折者必有術以拯之此黃帝難經等書所以補造化之偏正性命之理其義精其功溥矣後世盧扁而下不乏良醫至於幼科或薄爲小技鮮有專門名家之

學以余所見惟近代洞溪徐靈胎所著慎疾芻言一

書內有驚痘各方發前人未發之秘今大興朱賜卿

所刊

遂性
福幼

編其旨與徐氏芻言相發明而於保嬰之

法爲尤備其有功於世無疑也賜卿爲相國文正公

元孫名臣之裔篤學勵行而又能存仁心施仁術以

期補救於民生他日致身通顯展布經綸其所以造

福蒼生輔翊

聖化者豈有量哉於是乎書咸豐丙辰季夏之月長

洲彭蘊章撰

一此編專治小兒科。時醫見之。當細心體會。若因此編有妨醫道。遂執宜南不宜北之說。而必自立奇方。以圖取利。吾知高明者。必不爲此。然有能奉爲至寶。致活人命。陰功莫大焉。必獲好嗣之報。是切望於高明者。

一富貴人家見此編。當細心披閱。大與子孫有益之事。並望多印送人。必獲螽斯之報。世代科名何樂如之。

一貧寒人家。力量不及。不能延醫。實屬可憐。見此編。

慈幼編

北方人生兒或專期其強壯多力故有不
去惡穢不服藥餌者以為恐兒長大軟弱多病殊不
悟他日出血生瘡奇險萬狀皆由此毒所致良可慨也

凡兒在胎口有惡穢生下時乘其啼聲未出用棉包指拭去口中惡汁則永無他疾如不及卽濃煎黃連

甘草湯灌之

用黃連伍錢甘草貳錢半熬濃汁與三五匙

或用頂大原枝

生地一枝煎濃汁與數匙待吐出惡沫然後與乳能

令出痘稀少

初生三五日宜綳縛令臥勿豎頭抱免致驚癇

宜將七八十歲老人舊裾褲改作小兒衣衫令兒有

壽雖富貴之家切不可新製紵絲綾羅毡絨之類與

小兒服不惟折福且易生病至彌月受賀宴客切戒殺生

小兒四五箇月止與乳吃半年後方與稀粥周歲以前切不可吃葷腥并生冷之物令兒多疾至二三歲後臟腑稍壯纔與葷腥至葷炙煎炒肥羶椒辣雞鶩油膩之物尤宜切忌

生菜生菜食之便成虫積

乳母乳兒最宜節慎節則調養脾胃否則脾胃損傷百病蠅生夏忌熱乳冬忌冷乳皆宜捏去而後與之以喜乳與兒令兒痰喘成驚以怒乳與兒令兒疝氣

腹脹以寒乳與兒則便青而奶片不化以熱乳與兒則面黃而嘔吐不食以病乳與兒則黃瘦骨蒸虛羸盜汗以魘乳謂有孕者與兒則夜啼泄瀉胸背皆熱以醉乳與兒則恍惚多驚癇如鴉聲食後不可與乳乳後不可與食乳食並進難於消化初則成積久則成癖成疳故曰忍三分寒吃七分飽多揉腹少洗澡吃熱吃軟吃少則不病吃冷吃硬吃多則生病矣一週之內謂之芽兒切忌頻浴以致濕熱之氣鬱聚不散身生赤遊丹毒冬久浴則傷風夏久浴則傷熱

富貴之家
兒多不壽
大半皆由
於此

凡浴兒時須調和湯水勿令兒驚四圍遮護謹避風

寒。臍背二處尤宜防護。風寒由背而入能成癆風肚

流毒心脾能致撮口臍風等症若臍

中有濕將紅羊羶燒灰摻上札好。

凡兒臍背下部宜煖頭面心口宜涼解脫不可當風。

坐臥不宜著地。春天勿與護頂裹足以致陽氣不舒因多發熱等症

兒生六十日後則瞳子成而笑認人切忌生人持抱

及見非常之物若夫愛護太過曰捧懷抱不令見風

日不令著地氣以致筋骨柔弱數歲不行偶少失護

疾病便生此皆保育太過不及之咎也嬉戲之物不



可聽其恣意久弄。亦能傷腎。至刀劍兇具。勿令持玩。
會坐。勿令久會行。勿令驟睡。臥須有節。要令常起早。
飲食休過美。要令常嫌少。夜莫停燈。晝莫說鬼。睡莫
當風。坐莫近水。笑極與和。哭極與喜。哭笑之後。莫卽
與乳。

凡兒每日臥後。用手順摩其腹。自胸前至臍下。輕輕
摩四十九下。能順氣消食。

小兒初有知識。不可令小厮婢女出外頑耍。易至驚
嚇。且言語嬉笑。便有一種下流習氣。卽嗟跌受嚇。亦

不使知誤事。不小。至乳母須時覺察起居眠食。皆宜留意。不可託人。每見乳母作弊。主母不覺。兒受冤枉者多矣。且僕隸下人。性多愚蠢。其視吾兒。不愛。固足受傷。過愛。亦能致害。

兒衣夏晒日中。須放地上。退去熱氣。冬烘衣被。亦須涼後。方可穿用。至洗兒衣。不可露於星月之下。易惹邪祟。如偶失收。當用醋薰過。方可衣之。又有烏名隱飛。最喜陰雨夜過。落羽人家。庭簷置兒衣中。令兒作癘。必死。故兒生至十歲。洗衣不可夜露。

兒剃頭須就煖處剃後用薄荷三葉杏仁三枚去皮

搗爛入竺麻油三四滴膩粉拌和擦之可避風邪

切瘡疥

剃頭日期丑寅
日吉丁未日凶

臍為根本風與濕防護須嚴一有失防則臍腫不乾

久而作搖入於經絡即成風癰并撮口臍風皆為惡

候宜預用軟綿包指頻拭牙根之上有筋兩條將竹

刀輕輕剖斷以猪乳點之又宜察看臍上一有赤脈

直上即於赤脈盡頭處灸三炷皆預防良法

凡小兒落胎之時臍軟者無臍風也臍硬直者定有

臍風速宜預治。臍風口禁等症。須看上腭及牙齦上。有白泡點子。用銀針或指甲輕輕挑破。卽血出無妨。濃磨京墨塗之間。日再看。再生再挑。若口開有物如蝸牛或似黃豆白虫者。卽用猪油薄切擦消。畧見牙關緊急。不便吃乳。啼聲漸小。口吐涎沫。便須卽照前法觀看。口舌如法治之。然後服藥。小兒忽然驚死。手足抽掣。時當放於床蓆之上。任其牽動。不可抱緊。蓋風與痰相激而逆行。筋絡間皆有痰流注。定後則仍歸於脾胃中。若一緊抱。便凝結不

散醒後多成廢人

防小兒臍風馬牙神方

枯礬貳錢 硃砂貳錢 硃砂貳分 冰片伍釐 麝香伍釐

共爲末。凡小兒下地洗過後。用此末摻臍肚。每日換尿布時。仍摻此末。摻完一料。永無臍風等症。

二豆散治臍突腫

赤小豆 淡豆豉 天南星去皮 白欬各壹錢 共爲

末。用芭蕉自然汁調敷臍四旁。得小便白下。卽愈。

掩臍法 治小兒大小便不通。用連根葱白一莖去

土生薑一塊。淡豆豉二十一粒。鹽一小匙。同研爛。作餅烘煖。掩臍用。帛札定。良久氣通自愈。不效再用一餅。

延生第一方

小兒臍帶落下。取置新瓦上用炭火四圍燒至烟將盡。放於土地上。用碗蓋之存性。研爲細末。將透明硃砂亦爲細末。水飛過臍帶若有五分。用乳汁一二蜆殼調和。或黃連甘草湯亦好。如沙糖樣抹兒口土及乳頭土。一日抹完。次日大便遺下穢濁。

終身永無瘡疥及諸胎疾保生妙法也。臍帶內若有虫當去之。

附變蒸考

凡兒生後必有變蒸之期。變者變生五臟而易其情。蒸者蒸養六腑而長其骨節。其種種現象與病無異。若誤認為疾輕投藥餌或致蒸長之氣俱消無疾而成疾亦足誤事。今列其期於左以備參考可也。

凡三十二日為一變。六十四日為一蒸。自坐下

之日起至三十二日為一變。生癸腎氣六十四

屬足少陰經

日則二變一蒸。生王膀胱腑氣九十六日則三變。

生丁心藏氣。屬足太陽經一百二十八日則四變二蒸。生丙小

屬手少陰經。屬足厥陰經一百九

陽經。屬手太一百六十日則五變。生乙肝臟氣一百九

十二日則六變三蒸。生甲膽腑氣二百二十

則七變。生辛肺腑氣二百五十六日則八變四蒸。

生庚大腸腑氣。屬手陽明經二百八十八日則九變。生巳脾臟

屬手陽明經。屬足太陽

陰經三百二十日則十變五蒸。生戊胃腑氣屬足陽

屬手厥陰經三焦為腑屬手少陽。至心包絡為臟

經二者俱無形象故不變亦不蒸。至十變五蒸既

訖則共三百二十日矣復有三大蒸焉。

